



UNIVERSITI
TEKNOLOGI
MARA

Cawangan Perlis
Kampus Arau

Buletin InTouch

@ UiTM Cawangan Perlis

Edisi:
2022

Mendukung Misi GRU2025

Fokus Utama Amanat Rektor
UiTM Cawangan Perlis Bagi
Tahun 2022

Menarik di dalam



UiTM Cawangan Perlis Jalin Kerjasama
Bersama Korea Sports Promotion Foundation
(KSPO) Korea Selatan



Program Hari Hutan Sedunia (21 Mac),
Hari Air Sedunia (22 Mac) dan Ulang Tahun
Penubuhan Trash Hero Perlis Yang Ke-3



UiTM Cawangan Perlis Jalin Kongsi
Kepakaran Kepada Komuniti
Orang Asli Melalui ESKOM
2022



Majlis Menandatangani Memorandum
Perjanjian (MoA) Antara Universiti
Teknologi MARA (UiTM) Dengan
Universitas Gajah Mada (UGM)
Indonesia



UiTM Cawangan Perlis Semarakkan Kemerdekaan Melalui Program Bulan Kebangsaan dan Kibar Jalur Gemilang

Oleh:
Eliy Nazira Mat Nazir
Prof. Madya Ts. Dr. Shukor Sanim Mohd Fauzi

10 Ogos 2022 - UiTM Cawangan Perlis mengambil inisiatif menganjurkan program Bulan Kebangsaan dan Kempen Kibar Jalur Gemilang untuk meningkatkan penghayatan dan semangat cintakan negara di kalangan warganya.

Untuk tujuan tersebut, beberapa program menarik telah diatur bagi meraikan Bulan Kebangsaan. Pengisian yang telah disusun adalah bertujuan menyemai semangat patriotisme serta nasionalisme dalam kalangan kita semua sebagai warganegara Malaysia.

Antara program yang telah diatur adalah seperti *HEA Open Ride*, Deklamasi Sajak,

Jelajah Kemerdekaan, *Komander Kesatria Endurance Challenge* Siri 10, Hari Refleksi Kemerdekaan Malaysia serta Pertandingan Sudut Kemerdekaan. Kemuncak untuk program-program tersebut adalah Majlis Penutup dan Penyampaian Hadiah yang diadakan pada 15 September 2022.

Rektor UiTM Cawangan Perlis, Prof. Madya Ts Dr Shukor Sanim Mohd Fauzi dalam ucapan perasmianya menyatakan sebagai sebuah organisasi, warga kampus diibaratkan sebagai sebuah keluarga. Kepelbagaian latar belakang menjadi asas kekuatan UiTM Cawangan Perlis. Kerjasama serta hubungan positif sesama warga kampus dapat menyuntik semangat

untuk terus maju ke hadapan selaras dengan pengertian semangat Keluarga Malaysia Teguh Bersama itu sendiri. Warga kampus diseru untuk bersama menyertai program-program yang telah diatur bagi menghidupkan roh dan jiwa merdeka serta merapatkan jalinan keluarga UiTM Cawangan Perlis.

Turut diadakan adalah penyerahan bendera jalur gemilang kepada 10 kontinjen dari setiap bahagian dan unit. Ia adalah simbolik sempena kempen kibar jalur gemilang di setiap bahagian dan unit di UiTM Cawangan Perlis. Acara di akhiri dengan nyanyian lagu Jalur Gemilang.